

589

(...)

Gontaud, testament

Au nom de dieu soit sachent to(us) p(rese)ns et advenir que
l an mil six cens quarente deux et le **vingt quatrie(sme)** jo(ur) du
mois d **aoust** avant midy a **villemur** diocese bas mon(tau)ban
et()seneschaucee de tholose regnant n(ot)re tres chestien prince
louis par la grace de dieu roy de france et de
navarre pardevant moy not(aire) royal soubs(sig)ne et des
tesmoings bas nommes dans la ma(is)on du testateur
a este en personne jean gontaud marchant dud(it)
villemur lequel gisant malade dans ung lict a la salle
de der(rie)r de son habita(ti)on dettenu de certaine maladie
corporele mais dieu graces en son bon sans jugement

memoire et cognoissance bien voyant oyant et()parlant comme
a appareu a moy d(i)t no(tai)re et tesmoingz considerant l()incertitude
que no(us) avons de l heure qu()il plaira a dieu no(us) retirer de
ce monde po(ur) no(us) appeller a luy et po(ur) estre d autant mieux
dispose a de son bon gre pure et()franche volonte ny
seduit induit ny suborne de personne comme a declaire
fait et ordonne son testament nuncupatif et der(nie)re disp(osition)
de ses biens comme s ensuit premierement led(it) gontaud
testateur c()est recommande a la misericorde de dieu et
l a humblement et devotement supplie luy vouloir pardon(n)er
ses peches po(ur) l amour de son filz jesus christ n(ot)re
seigneur, voulant led(it) testateur qu()incontinent apres
son decez son corps soit ensevely au cimetiere dud(it)
villemur en la forme de la religion resformee de laq(uelle)
il a tousiours fait profession, a donne et legue
led(it) testateur a **anthoinette jeanne et marie gontaudes ses
filles et de dalphine de regis** sa femme a ch(ac)une d icelle
la somme de mil livres po(ur) to(us) droitz paternelz
et maternelz qu()elles pourroint prethendre laquelle
somme de mil livres sera paiée a ch(ac)une de
sesd(ites) filles lors qu()elles se colloqueront en mariage
et jusques a cé led(it) testateur veult qu()elles ayent leur
habita(ti)on dans sa ma(is)on vivant avec leurd(ite) mere
et qu()elles soient nourries et entretenues suivant leur
qualite aux despens de son heredite et au moyen de
ce sesd(ites) filles ne pourront rien plus demander
sur les biens et droitz de leurs pere et()mere et
en to(us) et ch(ac)uns les biens noms droitz voix et actions
p(rese)ns et advenir en quoy qué concistent dud(it) gontaud
testateur icelluy a nommes po(ur) ses hoirs universelz

et de lad(ite) de regis ensemble le postume ou postumes que sad(ite) femme que est enceinte porte sy sont masles par esgalles portions entreux diviser ses biens i° bien veult led(it) testateur que si quelung dé sesd(its) hoirs decederoit sans enfans de legitime mariage que la portion du decede vienne aux survivans ses hoirs par preference aux filles, et en cas **le postume que sad(ite) femme porte** seroit une fille le testateur luy donne et()legue la somme de mil livres po(ur) to(us) droitz paternelz et maternelz payable lors que sé colloquera en mariage et sera de mesme nourrie et entretenue que les au(tr)es filles sur ses biens jusques a ce / a declaire led(it) testateur qu()il veult et entend que lad(ite) dalphine de regis sa femme soit administresse des personnes et biens de ses enfans jusques a l aage de vingt cinq ans sans qu()elle soit obligee de rendre aucung comte de quoy par expres il la decharge s assurant qu'elle s en aquittera et tel a declaire led(it) gontaud son testament et der(nier)e disp(ositi)on de ses biens et veult que sorte a effect par la meilleure forme de droit auquel effet il a casses et anulles to(us) testamens et disp(ositi)ons precedens sy a pries les tesmoingz appellees a sa requi(siti)on et par luy recogneus de tesmoigner estre siene disp(ositi)on et a moy no(tai)re m a requis luy en retenir instrument ce qu ay fait ez p(rese)nce de ysaac seigne pierre boulous mar(ch)ans jean vacquier passementier, berenguier bereguier hoste pol bosquet dud(it) villemur signes alexandre *granjeau* serrurier et jean solie dit *mailles* dud(it) villemur qui ont dit ne scavoir signer et moy no(tai)re requis ayant declaire la necessite du conterolle a peyne de nullite led(it) gontaud testateur c()est signe ^° led(it) pierre son filz ainé ayant le chois lors que la partaige se fera de l()une des portions et dé telle que bon luy semblera

Gontaud

Boulous, p(rese)nt

J. Seigne, p(rese)nt

Vacquier

Berenguier

Bosquet, p(rese)nt

Esteverin, no(tai)re